



類說目錄卷之六

續齋諧記

金鳳轄

分紫荆

黃鳥玉環

千年華表

書生吐女子

茱萸囊菊花酒

三日曲水

織女詣牽牛

眼明袋

三閭大夫

膏粥

清溪神傳

磐山

荆楚歲時記

門神

爆竹旦

習索

寒食禁烟

杏酪麥粥

如願錄

七種菜

辟惡餅

人日

膠牙餈

長命縷

仙术

豆花雨

飛鳧

牽牛借天帝錢

秦中歲時記

幫牛

探花

拾菜

紫笋茶

白牡丹詩

扇市

儼翁儼母

火城

中和節

醪醪酒

櫻筍厨

重陽應制

進士多貧士

吏部四扃

洛陽伽藍記

習字

壞塼

酪奴

水厄

老嫗吹篴

畫卯雕薪

鴈臣

玉鳳金龍

苗茨之碑

史書非實錄

高陽一飯敵我千日

白墮春釀

南部烟花記

字讖

司花女

降仙可療飢

女相如

留儂

迷樓

來夢兒

遇陳後主

金鑿玉膾

閃電窓

文章總集

分盃法

河洛記

檄暴

銅鏡屏

再檄

遼東之役

知世郎

志公詩

類言 卷之六 目錄
婆娑羅樹

傳記

與魏公藏拙

南市場銘

為姊作粥

門禁六闕

飛騎

佛牙

張底崔湜為中書令

張家牛

薛道衡詩

芙蓉園

北堂書抄

郭正一可笑事

景龍文館集

學士

日就殿

閏九日

國奢

蹀馬戲

四部書

桃花行

板絙之戲

細柳

合生

麥粥

人題四韻

松門薜幄

剪彩花詩

綸省推高

御史臺記

南床

御史本草

五墨三仍

百官本草

六道

封氏見聞記

釣鰲客

十過萬言

詐為古帖

大杖小杖

二鑊

魯人敗矣

嶧山碑

嘯十五章

畫山水

燒尾士人

豹直

以金燈花為芝草

有罪令裹碧中

月桂降

斛瘕

長哨

聞天傳信記

貴妃為劉晏畫眉

白驃將軍

金天王

涼州新曲

嚴公界

兔詩

瓜子

紫雲迴

白石篆

一行進當歸

麴生風味

裴尹判狀

撲殺佛子

那吒太子

玉磬

叱武攸暨

萬迴

題劍門詩

旃然

甕肚峯

嘲劉文樹

月堂見毛人

幸溫泉賦

隱形法

廬陵官下記

栽植經

墨浣衣

颶段

損惠蹲鴟

我謎吞得你謎

句枝

海物異名記

蟹名虎螭

螭奴

烏賊泥猴

信鷗

白露蓑

水母

郎官鱠

蟬紗

八蚕綿

海鶻棠櫓

天齋炙

蝦鬚

荔枝奴

劉晨阮肇

類說目錄卷之六

類說卷之六

宋溫陵曾 慥 編

明 新野馬之騏叅閱
山陽岳鍾秀訂正

續齋諧記

金鳳轄

漢宣帝以阜蓋車賜霍光至夜車轄上金鳳
輒亡去曉乃還南郡黃君仲北山羅得一鳳
請闕帝以置承露盤上俄飛入光家車上帝
取車游行輒御帝崩鳳飛去莫知所在

分紫荆

京兆田真兄弟三人分財堂前紫荆欲破爲
三明日樹枯死真曰樹本同株將分砍憔悴
人不如木也因不解樹樹卽榮茂兄弟相感
合財遂爲孝門陸機詩云三荆歡同株

黃鳥玉環

楊寶見一黃鳥爲鴟梟搏寶遂取置梁上啖
以黃花毛羽成朝去暮來忽夜有黃衣童子
曰我王母使者昔使蓬萊爲梟所搏承君見

救以四玉環與寶曰令君子孫潔白位至三
公有如此環寶生震四世名公

千年華表

燕昭王墓前班狸化爲書生問墓前華表曰
吾欲見張華何如華表曰子之妙解無爲不
可但張公智度恐難籠絡喪子千歲之質亦
誤老夫狸不從見華論文旣退華使人訪問
不得出雷煥曰千年老精唯以千年枯木照
之則形見昭王墓前華表已千年使人伐之

類言 卷之六
燃照書生乃一班狸

書生吐女子

許彥山行遇一書生云脚疼求寄鵝籠中生
入籠與鵝並坐前行息樹下生出籠口吐一
銅盤具餚饌酒數行吐一女子容貌冠絕女
曰將男子同來吐一男子穎悟可愛又吐錦
行障書生留女同卧男子又吐一女共酌日
晚書生悉吞納口中留銅盤與彥張敞云是
永平二年作

茱萸囊菊花酒

費長房謂桓景曰九月九日汝家有灾急令
家人各作絳囊盛茱萸繫臂登高飲菊花酒
景如言夕還見鷄犬牛羊皆死

三日曲水

武帝問摯仲治三日曲水何義曰漢徐肇三
月初生三女三日俱亡一村以爲恠相携水
濱盥洗因流水以濫觴束皙曰周公城洛邑
因流水泛酒又秦昭王三日上巳置酒河曲

見金人奉水心劍因立曲水

織女詣牽牛

成武丁有仙道忽謂弟子曰七月七日織女渡河暫詣牽牛諸仙悉還宮吾與爾別明日果失武丁

眼明袋

鄧紹八月旦入華山見童子執五彩囊盛栢葉上露曰赤松先生取以明目今人八月旦作眼明袋

三閭大夫

屈原五月五日投汨羅楚人至此日以竹筒貯米投水以祭長沙區曲見一人自云三閭大夫曰感君見祭每爲蛟龍所竊當以練葉塞上纏以綵繩二物蛟龍所畏也

膏粥

張誠見婦人在宅南曰我是土神正月半宜作白粥泛膏於上祭我令君蚕桑百倍今正月半設膏粥自此始

青溪神傳

趙文韶任青溪月夜唱栖夜鳥西飛忽有青
衣曰王家娘子傳語聞君歌聲有關人者瀕
叟女至容色可怜文韶為歌深契女心乃曰
但令有瓶何患無水取筓篲鼓之令婢歌繁
霜自解裙帶縛筓篲歌曰日暮風吹葉落依
枝丹心寸意愁君未知寢竟別去明日至青
溪廟中女姑神像青衣立前皆夜所見者

磐山

溪山上磐石常如轉磨聲轉缺則年豐轉
遲則歲儉

荆楚歲時記

門神

歲旦繪二神貼戶左右左神荼右鬱壘俗謂
之門神按括地圖云度朔山大桃樹盤屈三
千里下有二神一名壘一名鬱並執葦絲以
同不祥之鬼繫而殺之初無神荼之名

爆竹曰

爆竹于庭世謂庭燎之禮非也神異經云西方山中有入長尺餘人見之卽病寒熱名曰山臊以竹著火中爆竹有聲則驚遁遠去

習索

春節懸長繩於高木士女盛服坐立其上推引之名鞦韆楚俗謂之施鈞涅槃經謂之習索

寒食禁烟

冬至後一百五日有疾風甚雨之寒食介子推三月五日爲火所焚國人哀之每春暮爲不舉火謂之禁烟犯之則雨雹傷田

杏酪麥粥

孫楚祭子推云麥飯一盤醴酪二盃清泉甘水充君之厨今寒食有杏酪麥粥卽其類也如願錄

異記云有商人過清湖見清湖君君問所須有人教云但乞如願君許之果得一婢如願

卽其名也商有所求悉能致之後因正日如願晚起商人撻之走入糞壤中不見今人正旦以細繩繫偶人投糞壤中云如願

七種菜

人日採七種菜作羹

辟惡餅

伏日食湯餅名辟惡餅

人日

正月一日爲鷄二日爲狗三日爲猪四日爲

羊五日爲牛六日爲馬七日爲人八日爲穀以陰晴占豐耗

膠牙餠

元日食膠牙餠取膠固之義

長命縷

五月五日以五色絲纏臂曰長命縷以艾爲人形置戶上辟惡師曠占云歲多病病草先生病草艾也是日取蟾蜍辟兵

仙木

桃者五行之精能制百鬼謂之仙木

豆花雨

八月雨謂豆花雨

飛鳧

競渡者治其舟使輕利謂之飛鳧又曰水車

又曰水馬

牽牛借天帝錢

道書云牽牛娶織女天帝借一萬錢下禮久不還被驅在營室中

秦中歲時記

幫牛

金吾仗撮槊前引百司皆避爾雅云卽幫牛也此獸善抵觸故雕其首於竿加龍虎節以油囊盛之而行

探花

宴進士杏花園初會謂之探花宴以少俊二人爲探花使遍遊名園若他人先折得名花則二使皆被罰

拾菜

二月二日曲江拾菜遊觀甚盛

紫筍茶

清明日湖州進紫筍茶

白牡丹詩

慈恩寺有裴潏白牡丹詩云長安豪貴惜春
殘爭賞開元紫牡丹別有玉盃承露冷無人
起就月中看

扇市

端午前兩日東市謂之扇市車馬特盛

儼翁儼母

歲除日逐儼作鬼神之狀內一老人爲儼翁
儼母

火城

正月一日曉漏以前宰相三司金吾以樺燭
數百炬擁馬如城謂之火城

中和節

二月一日中和節百官進農書內出中和曆

勅賜群臣

醑醑酒

寒食內宴宰相醑醑酒

櫻筍厨

四月十五日白堂厨至百司厨通謂之櫻筍

厨

重陽應制

王維重陽應制詩云四海方無事三秋大有年無窮菊花節長奉柏梁篇

進士多貧士

太和八年放進士榜多貧士無名子作詩曰乞兒還有大通年二十三人椀杖全薛庶准前騎瘦馬范鄴依舊蓋鋪粘

吏部四拘

吏部有四拘初冬納文書却云選門閉四月事畢却云選門開人名在分史前謂之某家百姓狀在判後却須粘在判前

洛陽伽藍記

習字

後魏孝文帝會羣臣酒酣帝舉卮曰三三橫
兩兩從誰能辨之賜金鍾中尉李彪曰沽酒
老嫗瓮注玃屠兒割肉與秤同左右甄琛曰
吳人浮水自云工妓兒擲繩在虛空彭城王
勰曰此是習字

壞磚

魏莊帝舅李延寔爲青州刺史帝曰壞磚之
俗世號難治舅宜用好心腹副朝廷所委昔

彭城王作青州牧問其俗賓客云齊土淺薄
太守初至皆壞磚叩頭以見意及其代去以
磚擊之言其始終向背也京師語曰獄中無
繫囚舍邊無青州假令家道惡腸中不懷愁
酪奴

齊王肅歸魏初不食羊肉及酪漿常食鯽魚
羹渴飲茗汁高帝曰羊肉何如魚羹茗汁何
如酪漿肅曰羊陸產之最魚水族之長羊比
齊魯大邦魚比邾莒小國酪不中與茗作奴

彭城王勰曰卿不重齊魯大邦而愛邾莒小國明日爲卿設邾莒之會亦有酪奴因呼茗酪奴

水厄

王濛好茶人至輒飲之士大夫甚以爲苦每欲候濛必曰今日有水厄

老嫗吹篴

河間王婢曰朝雲善吹篴諸羌叛王令朝雲假爲老嫗吹篴羌皆流涕復降語曰快馬健

兒不如老嫗吹篴

畫卵彫薪

元琛豪侈嘗云石崇庶姓猶能畫卵彫薪

鴈臣

北酋夷長遣子入侍常秋來春去避中國之熱號爲鴈臣

玉鳳金龍

元琛窓戶以玉鳳啣鈴金龍吐旆

苗茨之碑

奈林南百石碑魏明帝所立題曰苗茨之碑
高祖作苗茨堂永安中莊帝射於華林園百
官讀碑疑苗字誤衍之釋曰以蒿芝之故言苗
茨何誤之有

史書非實錄

隱士趙逸云是晉人云自永嘉以來三百餘
年建國稱王者十六君皆目睹其事國亡之
後史書皆非實錄今人亦生愚死智惑已甚
矣生時庸人其死也碑文墓誌窮天地之夫

德盡生民之能事生爲盜跖沒爲夷齊佞言
傷正華詞損實

高陽一飯敵我千日

高陽王雍爲相一食數萬錢季崇曰高陽一
飯敵我千日崇爲尚書令富傾天下而性儉
嗇食常無肉止有韭茹韭薤人云季令公一
食十八種葢二九十八也

白墮春釀

晉河東人劉白墮善釀酒飲者醉不能醒永

熙中青州刺史毛鴻賓賚酒之藩逢盜劫酒
飲之皆醉被擒因名擒奸酒遊俠語曰不畏
張弓拔刀惟畏白墮春醪

南部烟花記

字讖

煬帝嘗會飲爲字令取左右離合之意謂杏
娘曰我取杏字爲十八日時宮婢羅羅侍杏
娘分羅字爲四維帝謂蕭后曰能拆朕字乎
后曰移左畫居右豈非淵字乎乃唐興之讖

司花女

帝御女袁寶兒馱治多態時洛陽進合帶迎
輦花帝令持之號司花女帝謂虞世基曰寶
兒多憨態卿試嘲之世基爲詩曰學畫鴟兒
半未成垂肩鞞袖大憨生緣憨却得君王意
常把花枝傍輦行

絳仙可療飢

鳳舸殿脚女吳絳仙善畫長蛾帝怜之由是
爭爲長蛾司官吏日供螺子黛五斛號蛾綠

帝每向簾視絳仙移時不去云古人言秀色
若可食若絳仙者可以療飢矣

女相如

帝以合歡水果賜吳絳仙絳仙以紅牋進詩
謝帝曰絳仙才調女相如也

留儂

帝與宮女羅羅詩曰個人無耐是橫波黛染
隆顱簇小蛾幸好留儂伴儂睡不留儂任意
如何

迷樓

帝建迷樓樓上設四寶帳一日歌春秋二日
忘醉歸三日夜含四日延秋月

來夢兒

帝沉湎失度每睡須搖動勞頓方就一夢侍
兒韓俊娥尤得意每就枕必令振聳支節嘗
得美睡因呼爲來夢兒

遇陳後主

帝一日恍惚與陳後主相遇後主左右一人

甚美指謂帝曰此麗華也每憶桃葉山前與
此子北渡爾時麗華方凭臨春閣試東都紫
毫書小研紅綃答江令璧月詞未終見韓擒
虎直來逼人都無去就後主以綠紋測海蠡
盃酌洪梁新醞以勸帝帝請麗華舞玉樹后
庭花麗華辭以自出井中腰肢不復在時情
態帝再三請之乃起就一曲後主問蕭妃何
如此人帝曰春蘭秋菊亦各一時之秀後主
誦詩數十篇帝獨愛小窻一篇云午醉醒來

晚無人自夢驚夕陽如有意偏傍小窻明又
寄侍兒碧玉詞云離別腸應斷相思骨合消
愁魂若飛散憑仗一相招

金齏玉膾

吳都獻松江鱸魚煬帝曰所謂金齏玉膾東
南佳味也

閃電窻

帝觀書處窻戶玲瓏相望金牖玉觀輝映溢
目號閃電窻

文章總集

帝命虞世南等四十人選文章自楚詞訖大業共爲一部五千卷號文章總集又擇能書二千人爲御書生分番抄書

分盃法

起自籌禪師合諸藥共筒內插帽七日乃取插頭對客飲以簪畫酒中飲一邊已盡一邊尚滿謂之分盃法

河洛記

檄暴

李密自立爲魏公檄喻郡邑暴煬帝之惡云先皇嬪御並進銀環諸王子女咸儲金屋又云潛爲九市親駕四驢自比商人見邀逆旅

銅鏡屏

煬帝喜奢侈幸江都王世充獻銅鏡屏帝甚喜擢江都通守

再檄

李密云賀若弼以上將誅夷高熲以大勛受
縊薛道衡文宗學士遂處極刑痛結人心悲
纏華夏又云多營宮殿廣立池臺罄珠玉之
珍竒窮丹青之麗飾歌姬舞女終日荒淫走
狗飛鷹盤遊無度桑間濮上聽亡國之音糟
丘酒池爲長夜之飲又云漢朝星動豈曰勞
人晉國石言未爲煩役又云一時收十歲之
租一日枉千金之費夫行婦寡父出子孤百
川沸騰十日並出

遼東之役

大業七年以後初有遼東之役又發丁壯爲
驍果又送驢馬於涿郡又發黃衣牽船入滄
海又發五穀雜種牛皮鐵炭飛輓千里

知世郎

大業末宋寇先起鄒平人王薄擁衆據長白
山自稱知世郎言世事可知矣作歌以招征
役者歌云長白山頭知世郎純著紅羅錦背
襠橫稍侵天半輪刀耀日光上山吃獐鹿下

山食牛羊忽聞官軍至提劍向前盪譬如遼
東豕斬頭何所傷人多附之後楊玄感反山
東遂成大亂河北有張秤王稜湏等凡二十
七項多至十餘萬少不下萬人屯據州縣建
營山澤其下酋帥亦有名稱或云乞見敵或
云嫌頭方或云徹眷頑勿惜死又結聚村落
百十爲群如黑社白社青特胡驢之號浮雲
賊忽律賊最後李密起而隋亡

志公詩

梁志公道人詩曰一土亂十州至世克僭號
國稱鄭遂以一土爲王字又曰亂訓理也自
爲符讖改洛州爲十州

娑娑羅樹

洛城山北謂之邛山上無木惟北嶺上有古
樗樹娑娑四五畝楊素建都城以此樹爲南
北標準嫌樗木名惡號娑娑羅樹佛經言娑
娑羅樹是如來涅槃之所其言不祥後楊玄
感亂李密圍城及太宗征世克皆於此樹駐

車下瞰城中

傳記

與魏公藏拙

梁遣徐陵聘齊時魏收文學爲北朝之冠錄其文示陵陵過江沉之曰吾與魏公藏拙

南市塚銘

洛陽南市卽隋豐都市也掘得一塚棺中有平上幘朱衣銘曰筮言居朝龜言居市五百年間於此見矣校其日月當魏黃初二年也

爲姊作粥

李英公姊病親爲作粥誤燎其鬚姊止之公曰姊老勩亦老欲久爲此粥可得乎

門禁六闕

朱敬則代著孝義自宇文周至唐並加旌表門禁六闕

飛騎

貞觀中揀驍捷善騎射者謂之飛騎衣五色袍乘六閑馬從上游幸

佛牙

貞觀中有僧言佛牙所擊無堅物傳奕曰我聞金剛石至堅惟羚羊角可破試之應手糜碎

張底爲中書令

張嘉禎爲舍人湜輕之常呼爲張底後嘉禎議事出人意表湜驚謂同列曰張底乃我輩一般人當坐此果後爲中書令

張家牛

洛陽畫工解奉先爲嗣江王家畫過取其直王責之乃於佛前自誓曰若負心願死爲王家牛未幾暴卒王家適生驛犢背有白文曰解奉先

薛道衡詩

隋薛道衡聘陳爲人日詩曰入春纔七日離家有二年南人嗤之又云人歸落鴈後思發在花前乃曰名下無虛士

芙蓉園

頁九

卷之六

三

京師芙蓉園者本名曲江園隋文帝以曲名
不正改之

北堂書

虞世南於省後堂集群書中事可爲文用者

號北堂書

郭正一可笑事

郭正一爲李英公征遼管記勦還曰此段行
我錄郭正一可笑事雖滿十卷猶未能盡

劉晨阮肇

漢明帝時劉晨阮肇同入天台見二女出胡
麻飯山羊脯設桃及酒甚美踰年乃歸鄉里
皆變推尋其家已經七代孫也

景龍文館集

學士

修文館學士景龍二年置大學士四人象四
時學士八人象八節直學士十二人象十二
時遊宴悉預

日就殿

頤兌

卷之六

三三

以文櫪綺栢爲材

閏九日

九日作宴賦詩李嶠云閏節開重九

國奢

竇從一爲御史大夫中宗曰爲卿娶婦歲除
宴設極盛中席迎婦却扇去花乃一老嫗後
知是皇后乳母宮中有國奢之號

蹀馬戲

宴土蕃使蹀馬之戲皆五色彩絲金具裝於

鞍上加麟首飛翅樂作馬皆隨音蹀足宛轉
中節胡人大駭

四部書

薛稷知集庫馬懷素知經庫沈佺期知史庫
武平知子庫通曰四部書

桃花行

李嵩等作桃花詩帝令插二十篇入樂府謂
之桃花行

拔絙之戲

清明節命侍臣爲扳絙之戲以大麻絙兩頭
繫十餘小繩每繩數人執之爭絙以力弱者
爲輸時十宰相二駙馬爲東朋三相五將爲
西朋僕射韋巨源少師唐休璟以年老隨絙
而踣久不能起帝以爲笑樂

細柳

上巳祓禊賜侍臣細柳云帶之免萬壘毋瘟疫

合笙

殿內奏合笙歌其言淺穢武平一諫曰妖胡

娼妓街童市女談妃主之情貌列王公之名
質詠歌蹈舞號曰合笙不可施於宮禁

麥粥

寒食賜麥粥帖綵毬鏤雞子

人題四韻

宴白鹿觀御詩序云人題四韻後罰三盃李
宗楚等謝曰旣陪天歡不敢不醉又曰敬舉
天盃飲

松門薜幄

類言
卷之六
宴韋嗣立莊云松門駐旌旆薜幄列簪裾
剪彩花詩

趙宴若剪綵花詩云花隨紅意發葉就綠情
新

綸省推高

除中書舍人李義爲學士制云綸省推

高

御史臺記

南床

侍御史號雜端最爲雄劇臺中會聚則於坐
南設橫榻號南床又曰痴床言登此床者倨
傲如痴

御史本草

賈忠言撰御史本草以裏行爲合口椒最毒
監察爲開口椒微毒殿中爲蘿蔔侍御爲脆
梨言漸入佳味遷南省郎號甘草言可以久
安矣

五墨三仍

類說

卷之六

三五

左臺御史遷南省郎仍供奉者三墨勅授者
五時號五墨三仍

百官本草

侯味虛著百官本草謂御史云大熱有毒王
除邪佞杜奸回振冤滯止淫濫尤工貪濁畏
遠使惡儆直忌按權豪外州出者尤可再日
炙乾破者爲良服之長精神滅姿媚久服令
人冷峭

六道

唐畿尉有六道入御史爲佛道入評事爲仙
道入赤尉爲人道入畿丞爲苦海道入縣令
爲畜生道入判司爲餓鬼道

封氏見聞記

釣鰲客

王嚴光有才不達自號釣鰲客巡遊都邑求
麻鐵之資以造釣具有不應者輒錄姓名置
篋中曰下釣時取此等悞漢爲餌其狂誕類
此張祐謁李紳亦稱釣鰲客李怒曰旣解釣

鰲以何爲竿曰以虹爲竿以何爲鈎曰以月
爲鈎以何爲餌曰以短李相爲餌紳默厚贈
之

十過萬言

開元初常敬忠十五歲上書言能一過誦千
言張燕公召問能十過記萬言乎曰能以萬
字試之七過已通熟

詐爲古帖

李邕常不許蕭誠書蕭乃作爲古帖令紙故

暗持示邕曰右軍真迹邕欣然曰是真物平
生未見誠以實告邕復取視曰細看之亦未
能好

大杖小杖

嚴安之崔譚俱爲赤尉安之令伍伯執大杖
譚益小其杖至如筋安之令伍伯空手行乃
不能學

二鑊

青州南城佛寺有二大鑊大者容四十石小

者容三十石舊傳寺卽孟嘗宅鑊以造食供
客者李伾毀爲兵器

魯人敗矣

廣德中御史李季卿謁曲阜文宣廟史前導
每至一處輒指曰此顏子陋巷也此靈光殿
墓也至一水池曰此魯人靈光釣魚處也李
笑曰魯人敗矣

嶧山碑

云樂刻此石人多不曉顏師古謂以泗濱浮

磬作碑者也

嘯十五章

嘯有十五章有深溪虎高柳蟬空林鬼巫峽
猿下鴻鵠古木鳶之類炙轂子詳載

畫山水

大曆中吳士顧子畫山水甚奇恠先布絹於
地研調采色使數十人吹角擊鼓叫譟顧子
著錦襖纏頭飲酒半醉取墨汁瀉絹上次瀉
諸色以大筆開決爲峯巒島嶼之狀曲畫其

妙

燒尾士人

士人初登第必展歡宴謂之燒尾說者云虎化爲人惟尾不化須爲燒去方得成人又說新羊入群諸羊抵觸不相親附燒其尾乃定說魚躍龍門化龍時必當電燒其尾乃化

豹直

御史舊例初入臺陪直二十五日爲伏豹取未出之義謂之豹直亦然

以金燈花爲芝草

西門寰爲邯鄲令以金燈花爲芝草脩狀申使司知其妄不復問

有罪令裹碧巾

李封爲延陵令吏人有罪不加杖罰但令裹碧巾以辱之州鄉大以爲耻竟不捶一人月桂降

垂拱中月桂降於台州按日月各有限城豈鴻洞無底而有桂得下蟾兔之類安得不落

斛痕

有人喜飲茶飲至二斗一日過量吐如牛肺
一物以茶澆之容一斛二斗客云名斛 痕
長哨

峩崱山陳道士善長哨作霹靂聲聞者驚悚

聞天傳信記

貴妃為劉晏畫眉

劉晏年八歲獻東封書明皇命宰相出題就
中書試驗引宴於內殿六官觀看坐宴貴妃

滕上親為畫眉總中髻宮人遺花投果

白驪將軍

上封泰山益州進白驪至乘之柔習安便禮
畢而斃謚曰白驪將軍

金天王

明皇過華陰見岳神迎謁問左右皆不見老
巫阿馬婆云三郎在道左朱髮紫衣上至廟
前復索鞦立庭下乃封為金天王

涼州新曲

頁兌

卷之六

三

西涼州製新曲曰涼州寧王曰音始於宮散
於商成於角徵羽新曲也宮離而少徵商亂
而加暴臣恐有播越之禍以安史亂始驗寧
王審音之妙

嚴公界

上御勤政樓大酺人物填咽金吾白捧如雨
上召京兆尹嚴安之處分打場安之周行廣
場以手板畫地曰犯此者死人指其畫曰嚴
公界無敢犯者

兔詩

蘓環初未知題處放馬廐中嘗咏崑崙奴詩
指頭十挺墨耳朶兩張匙又作兔詩曰兔子
死闌殫持來掛竹竿試將明鏡照何異月中
看環大驚由是文章蓋代上平內難一冬間
制詔皆題爲之世稱小許公

瓜子

賀知章告歸吳中召問所欲章曰臣有男未
名幸陛下賜名上曰人無信不立孚者信也

類言 卷之六
宜名曰乎知章後乃悟曰上何謔我耶以我
吳人乎乃瓜下子呼我瓜子也

紫雲迴

帝夢遊月宮聞上清之樂記其曲以玉笛尋
之名紫雲迴

白石篆

函谷關得白石篆文桑字解者曰四十八也
正符帝在位之數
一行進當歸

一行禪師將卒留一物進上乃蜀當歸也上
幸蜀回方悟其旨

麴生風味

葉法善有道術居玄真觀一日會數朝士滿
坐思酒忽有人叩門稱麴秀才突入坐少年
秀美論談不凡法善潛以小劍擊之應手墮
地化爲瓶榼中美酒遂共飲之皆曰麴生風
味不可忘也

裴尹判狀

裴諝爲河南尹嘗有投牒誤書紙背諝判曰
者畔有那畔那畔似者畔我不辭與你判笑
殺門前著靴漢又有婦人投狀爭猫狀云若
是兒猫卽是兒猫若不是兒猫卽不是兒猫
諝判曰猫而不識止傍我捨老鼠兩家不須
爭將來與裴諝遂納其猫

撲殺佛子

無畏三藏自天依宣律師無畏飲酒食肉言
行麤易律師不悅嘗令宿於戶外律師中獲
之捫虱投牀下無畏卽呼曰撲殺佛子律師異

那吒太子

擁護宣律師律師嘗夜行道臨堦失足有人
捧承之見一少年師問何人曰某毗沙王之
子那吒太子擁護和尚久矣師曰貧道修行
無煩太子威神自在神乃獻一佛牙今藏在
崇聖寺者是也

玉磬

頂說

卷之六

三

楊妃善擊磬乃取藍田綠玉琢之

叱武攸暨

上為皇孫時於朝堂叱武攸暨曰我家朝堂
汝得蜂蠆而顧耶則天曰此兒終當為吾家
太平天子

萬迴

師初若愚痴雖父母亦以豚犬畜之兄戍役
安南音問隔絕忽一日朝往夕返曰兄平善
發書視之乃兄手跡其家以萬里而回故號

萬迴

題劍門詩

上幸蜀還次劍門上曰天險若此自古及今
敗亡相繼豈非在德不在險也耶題詩曰劍
閣橫空峻鑿輿出狩回翠屏千仞合丹嶂五
丁開灌木縈旗轉仙雲拂馬來乘時方在德
嗟爾勒銘才

旃然

上封泰山進次滎陽旃然河上見黑龍命弧

頊覽

卷之六

三

矢射之自爾旃然伏流卽濟水溢而爲滎遂
名旃然左傳曰楚師濟于旃然是也

甕肚峯

華岳雲臺觀中方之上有山崛起半甕之狀
名甕肚峯上欲於峯腹大鑿開元二字填以
白石諫官上言乃止

嘲劉文樹

安西衙將劉文樹善奏對髭生頷下貌類猿
猴上令黃幡綽嘲之文樹切惡猿猴之號密

賂幡綽祈不言之幡綽進嘲曰可怜好文樹
髭鬚共頰頤別住面孔不似猢猻猢猻強侶
文樹上大咲

月堂見毛人

李林甫於偃月堂見一物徧體披毛而如猪
立鉤牙鉤爪三尺餘林甫連叱不動遽命弧
矢毛人笑而跳入前堂不累日而林甫敗

幸溫泉賦

上遊華清宮有劉朝霞獻幸溫泉賦其畧云

若夫天寶二年十月後兮臘月前天門軋開
露神仙之輻奏巒輿劃出驅甲仗以駢闐青
一隊兮黃一隊熊踏背兮豹踏背米一團兮
綉一團玉鏤珂兮金鏤鞍述德云直撈得盤
古髓插得女媧瓠遮莫你古時五帝豈我今
日五郎自序云窮兮蹭蹬失路猖狂骨幢雖
短伎藝能長夢裏幾回富貴覺來依舊悽惶
今日是千年一遇叩頭莫五角六張上令改
五角六張乃奏云臣草此賦若有神助文不

加點不願從天而改上曰真窮薄人也

隱形法

羅思遠善隱形之法上傳受不盡其要思遠
同為之則隱沒不見自試或餘衣帶或露幘
頭脚上怒命力士裹以油襍直棺木下壓殺
而埋之旬日有中使自蜀回逢思遠於路咲
曰上為戲一何虐耶

廬陵官下記

栽植經

世傳栽植經三卷云木多病酢心其候皮液
俱酸有能治者鈎去其蠹木乃茂

墨澆衣

凡墨澆衣閉氣於水上作白字卽濯之不過
七遍卽淨

颶段

有武將見梁元帝自陳痴鈍乃訛爲颶段帝
笑曰颶非涼風段非干木

損惠蹲鴟

有人誤讀芋爲羊因人惠羊乃謝云損惠蹲

鴟

我謎吞得你謎

曹著機辨有客試之因作謎云一物坐也坐
卧也坐立也坐行也坐走也坐著應聲曰在
官地在私地復作一謎云一物坐也卧立也
卧行也卧走也卧卧也卧客不能曉曹曰我
謎吞得你謎客大慚

句枝

頂說

卷之六

七

予以坐客聯句互送爲煩乃取班竹以白金
絡首如茶莢以遍送聯句謂之句枝或角押
惡韻或煎盃茶爲八韻詩皆謂之雜連若志
於不朽則汰客揀穩韻無所得輒已謂之苦
連句句共押平聲好韻不僻者書於竹簡謂
之韻牒

海物異名記

蟹名虎蟪

海蟹之大者有虎班文蟹謂之蟪者以其隨

波堙淪蟹之小者每潮欲來出穴舉螯迎之
名招潮子又一種小蟹隨潮脫殼潮退徐行
泥中名曰攤塗

蠣奴

蠣殼中有小蟹時出取食復入蠣殼謂之蠣
奴

烏賊泥猴

鱸類有目如猴者名泥猴又爾雅云鰓鱸有
軍魚故海上人酒令云軍魚下海打烏賊有

功封泥猴

信鷗

鷗之別類群鳴喙喙隨潮往來謂之信鷗

白鷺蓑

江東人取白鷺頭頸上翰爲接離謂之白鷺蓑或以紅鶴間之

水母

澄瀾挺質凝珠成形其名曰蜃卽水母也

郎官鱠

江南人作鱠名郎官鱠言因張翰得名

蟬紗

泉女所織綃細薄如蟬翼名蟬紗

八蚕綿

八蚕作共一大蠶

海鷗棠櫓

越人水戰凌波赴敵則有海鷗舟名也又曰
穿行魚流浴波不溺則有棠櫓如棠不沉也

天鬻灸

瓦龍子一名天鬚

蝦鬚

海蝦鬚有一丈可作拄杖者

荔枝奴

嶺南人謂龍眼爲荔枝奴

類說卷之六

終

